



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Annales Mariani Societatis Iesv**

**Nádasi, János**

**Romæ, 1658**

Anno MDCLVIII. Soc. 118.

**urn:nbn:de:hbz:466:1-42840**

multa diuinæ erga ægros misericordiæ signa eduntur, miraculis proxima, seu vera miracula: quæ non nemo iam ritè firmando, & conscribenda suscepit. Et rectè. Sic enim dum accepta grati narramus, nos ad accipienda noua disponimus. Imò hoc ipsum grati amoris est signum, quod nolimus taceri non ea tantum quæ ipsi à DEI Matre accipimus, verùm & quæ alij apud nos ab ea acceperunt. Laudamus, iuquit de B. V. S.Bernardus, laudamus virginitatem, humilitatem miramur; sed misericordia misericordiæ dulcius; misericordiam amplectimur charius, recordamur saepius, crebrius inuocamus.

ser. 4. in  
Aff. B. V

ANNO MDCLVIII. Soc. 118.

1394 P. Iudoci Andries de B. V. doloribus decentis facie fama est visam splendore illustrem radios vibrasse. A P. Ioanne Eusebio Nieremberg (ut de illo Celada, Andrade, & Igarza in impressa Hispаниcè eius vita testantur) quidam de Societate è purgatorio suffragia expetijt, dixitque sibi ut ad petendum auxilium venire posset, à DEO id concessum, Beatissima Virgine impetrante. Post dies aliquot, peractis pro anima illa omnibus quæ promiserat Ioannes magnum quandam splendorē, citra vocem vel strepitum ullum, vidit in eodem loco in quo anima illa preces postulans apparuerat.

ob. 1658.  
Bruxellæ.  
ob. 1658.  
Madriti.  
7. April.

Orare pro  
defunctis.

1395 Quidam ærumnosam vitam exosus, atque à patibulo, cui se iam alligare inceperat, redux, dixit se à Beatissima Virgine ad ignotum sibi P. Ioannem Eusebium missum esse. Adfuisse sibi morti iam vicino augustam illam Virginem, ac dixisse: Tu quidem in eo statu es qui te ad æternum exitium ducit: at quia Rosario meo quotidie recitato mihi addictus fuisti, Filius meus tui misertus est, ne moriaris. Vade illico ad Societatem illius no-

mi.  
Item pro  
existentib⁹  
in peccato  
mortali.

minis; & quære P. Eusebium, qui te solabitur. Mox, aiebat, apprehenso arboris ramo me suffentans à laqueo expediui. Tum ad quæsiti, & reperti P. Ioannis Eusebij pedes abiectus, apud illum ita ut Beatissima Virgo prædixerat, solatum luculentum, inuenit.

**1396** Alius quidam dicebat, se in teterimis facinoribus volutatum animo iam destinasse, ut Sacramento conscientiam nunquam expiaret. Verum adfuisse, siue adesse visam, sibi spectabilem Dei Matrem, quæ nihil omnino locuta, coram steterit, modestissimeque apertis oculis se intuita, videri desierit. Dicebat; illo aspectu sibi cor liquefactum, seque totum in lachrymas vertit erumpentes effusum: eo tempore quo à Virgine aspiciebatur, omnia totius vitæ anteaq; peccata (etiam illa quæ obliuione longâ exciderant) velut in catalogo distinetè particulatimque vidisse, vna cum viuâ quadam imagine sibi obiectâ de enormi illorum fœditate, ac simul spe venia obtinendæ. Ad hæc affirmabat; codem ipso articulo ab augusto illo amabilique Matris misericordiæ aspectu impressum suæ menti nomen P. Ioannis Eusebij è Soc. IESV, tanquam eius per quem esset adiuvandus. Accito ergo (nam æger erat) P. Ioanni Eusebio omnia percensuit; & peccata ita confessus est, ut P. Joannes dixerit, nihil ab ullo Theologo expectari posse magis accuratum, ac expeditum, etiam post longam plurium mensum disquisitionem. Adfuit eidem quinto post die morienti P. Joannes; & dixit, illum inter selectissimos exquisiti erga Deum amoris actus extinctum, idque videri fuisse præmium constantiae quâ ille, per omnem vitam, etiam inter peccata, Dei Matrem coluerat, cuius ope tandem è peccatis emersit.

P. Ioan-

1397 P. Ioannes Eusebius Nieremberg ad virtutum adeptionem vtebatur eâ quâ DEI Matrem colebat pietate. Optabat olim optimum quorundam selectissimæ virtutis adolescentum contubernium; sed ut erat verecundus, rem dissimulabat silentio. Quare ad eam quæ Madriti *Inclusa* dicitur B. Virginis imaginem supplex adiit; & ab illa socios petiit, quorum consortione ad illam impensis colendam proficeret. Post preces prolixè istic fusas, cùm pedem ex templo efferret, famulum ad portam repetit, qui illustrium illorum, & virtute singulari præstantium adolescentum nomine illum ad lectissimum illum cœtum accersebat, atque vnâ Salmanticam ad studia inuitabat. Hoc erat quod impensè optabat Ioannes: & mox à limine ad B. V. imaginem redux illi gratias reddidit pro beneficio impetrato. Postea Societati adscriptus est.

1398 Deiparæ festa colebat, pridie pane tantum frigidâque contentus. Ad eos quorum peccata Sacramento expiabat dirigendos DEI Matrem *Leiunare arctius*. habuit pro admirabili cynosura, ut habent fusius annuz, ac eius vita.

1399 Scripsit de B. Virgine plura, quæ reddidi Legere de suis annis. Edidit anno 1635. libellum de affectu illa, erga B.V. Hispanicè, qui nunc alijs quoque linguis scribere. loquitur. Illius sunt & eç quæ Antuerpiæ anno 1655. typis datæ sunt *Exceptiones Concilij Tridentini* pro omnimoda puritate Deiparæ Virginis MARIAE. Item *Dissertationes Epistolice de Immac. Concept. B.V.* Hoc extremo vitæ anno ibidem exiêre in lucem eiusdem *Trophea MARIANA*; seu de Victrice Misericordia Deiparæ patrocinantis hominibus. vbi lib. I. Patres produxit de B. V. vigili, potentissimâque misericordiâ loquentes; Ethnicos, Reges, Prouincias

cias illi honorandæ intentas . lib. 2. agit de B. V. patrocinio in Hispania : tertio , de varijs victorijs per orbem vniuersum eius ope obtentis : quarto , de spiritualibus victorijs : quinto , de Trophæis B. V. asylis , imaginibus : sexto , de templis , miraculis , siusque erga nos amore . Laudat ibidem pag. 305. & aliâs P. Ioannem de Alloza è Societate , qui scriptit de cælo stellato B. MARIE . Ibidem ad calcem adiecit Apologeticam Dissertationē de Virginitate Santissimæ DEI Matris superadmiranda , superexcelsâ , & DEVUM decente , ultra leges naturæ & viitutis moralis , comprobante Immaculatam Conceptionem Virginis ; etiam passiuam .

ob 1658.  
Iudenbur-  
gi.  
Sabbatum.  
Mortifi-  
catione.

In ther-  
mis eius  
cultum  
promouere

Sabbato.

1400 P. Georgius Probitzki religiosæ ac amabilis modestiæ , atque erga omnes reuerentiæ vir , adibat saepius chorum templi Sabbatinis noctibus , atque istic post diuturnam iteratamque sui verberationem orabat suspirijs in voces ab alijs quoq; auditæ erumpentibus , pro ijs qui mortali peccato tenentur obnoxij . Reliquas eius laudes loquuntur Annuæ Austræ : quæ etiam hoc anno Badenæ ad Viennam in thermis , quò magna vis mortalium confluit quotannis , in morem inductum aiunt adnitentibus nostris , ut palam corona , & encomia Deiparæ piè recitentur ; atque ad hanc pietatem accendendam nobilis eiusdem statua in thermis eræta est , magno virtutis non raro istic periclitata compendio . Sabbato spontanea sui verberatio Goritiæ in Seminario hoc anno in morem abiit : ubi etiæ iuuentus non priùs in triclinium descendit vesperum quam Immaculatæ Conceptionis B. V. officium recitariit .

1401 Dùm hæc typis parantur , accipio à Tyrnauensi B. V. Visitantis (yti etiam saepius à Vienensi

nensi S. Barbaræ) Sodalitate literas impressas, quibus inuitor ad solenne festum Deiparæ celebrandum. Est enim in Austriæ Provincia etiam hæc reperta industria ad cultum Dei Matris latitius extendendum, ut quotannis Sodalitates Academicæ imminentे sui cœtus festo epistolam eiusdem exemplis vulgatam ad Sodales absentes mittant, vñā cum Catalogo Sodalium intra eius anni circulum mortuorum. Hoc anno in Actis SS. Februarij Antuerpiæ editis à P. Ioanne Bollando, & P. Godefrido Henschenio, 2. Februarij P. Godefri-dus Henschenius, è S. Methodio, alijsque ex antiqua eruditione appositiè atque copiosè erutis argumentis luculenter ostendit, elucubrato hac de re *Commentario historico*, longè antiquiorem esse quam Baronius existimauerit *Purificationis B.V. celebritatem*, etiam cum cereis, in Palæstina, Phœnicia, Syria, Cypro, Asia, &c. ponitque è m. s. Græco Latinam S. Sophronij de hoc festo orationem, eamque notis illustrat: omnia curatè, disertè, ac eruditè.

1402 P. Paulus Belli luculentum commentarium scripsit de assentâ epistola B. Virginis ad Mef-sanenses. Collegit è varia lectione augustissimos, ac tenerrimos quoque Deiparæ titulos; & in singulos adiecit meditationes, sermones, ac symbola. Item conquirebat vnde vnde poterat, tot quot poterat libros de B. V. conscriptos vbidem unumcunque terrarum; & confecit egregiam Bibliothecam MA-RIANAM è libris ac libellis de hoc solo tam pretioso & amabili argomento conscriptis, vnde suam, aliorumque pietatem locupletaret; annuentibus ijs quorum est prouidere, vt hæc fiant citra iniuriam paupertatis. Illo admittente multum celebri-

*Inuitare  
alijs ad  
festa Sa-  
dalit.*

*Gesta il-  
lius eru-  
dite illu-  
strare.*

*ob. 1653.  
Messane  
15. Ian.*

*Deiparæ  
titulos me-  
ditari.*

*Bibliothe-  
cam Ma-  
rianam  
condere.*

K K K K tatis

tatis accepit festum quod vulgo dicitur *Beatiss. Virginis à littera*.

ab. 1658.

*Antuer-*  
*piae.*

*De illa*  
*colloqui.*  
*Peccatores*  
*illi saepius*

*quoidie*  
*commen-*  
*dare.*

pag. 29.

96. 97.

152. 153.

*Cultum*  
*illius ad*  
*certa ca-*  
*pita reuo-*  
*care.*

1403. P. Laurentius Chiffletius cum nullo extra-  
riorum agebat familiariū quem *Matris Misericor-  
diæ cultu non imbuere*. Fecit idem pluribus libel-  
lis editis variā pietate. Sed & ipse coram eadem  
pro peccatoribus pronus & supplex quotidie illos  
humi stratus eidem demissè ac vnicè commen-  
dabat.

1404. Romæ lucem hoc anno aspexit P. Christo-  
phori Schorrer Germaniæ Assistentis, postea Vicarij  
Generalis, *Theologia Ascetica*: in cuius Systemate  
collocat Beatissimam Virginem: & post alia plu-  
ra, tractat ea quæ faciunt ad summam de illa op-  
inionem concipiendam; deinde ad amorem; deni-  
que quoad externam, ut ait, habitudinem erga  
illam. Vocat illam Matrem Amoris, & salutis no-  
stræ studiosissimam, ad iuuandum promptissimam:  
illam posse, ac liberaliter velle opitulari. Huic op-  
nioni inniti summum erga illam amorem propter  
Deum; gratiarum actionem Deo dandam pro bonis  
quibus illam ornauit; desiderium illam colendi, &  
ut colatur in cœlo ac in terra ab omnibus creaturis;  
odium sanctorum in eius Filij inimicos; fiduciam in  
eius praesidio; submissionem summam internam,  
& externam; promptitudinem se illius cultui peni-  
tus impendendi; studium se formandi ad eius exem-  
plum; votum cum illa fruendi Dño; defensionem  
gloriae illius. &c. Extero cultu comprehendit eius-  
dem Deiparæ laudes voce, ac scriptis; publicè, ac  
priuatim; singillatim, vel vñâ cum alijs, celebratas;  
reuerentiam palam, ac priuatim exhibitam ipsi, &  
ijs quæ ad illam spectant, imaginibus &c. seruitu-  
tem, implorationem præfidij, exaltationem illius

per

per colloquia, conciones, per narrata beneficia &c.

1405 Bononiæ hoc etiam anno edidit P. Jacobus Pasinettus Italicè septem dies itineris ad Sapien-  
tiam Christianam. Sessione 8. latè agit de B.V. protectione, vt in sanctitate ac iustitia conserue-  
mur. Consideratione 2. differit quid sit agendum, ut ab ea protegamus. Amandam esse, quia Christo  
coniunctissima, pulchra, excellens, Mater nostra,  
& se amantium amantissima est. Sed addit è S. Ber-  
nardo dicente: *Obsecro vos, filoli, si MARIAM dili-  
gitis, si ei placere contenditis, emulamini modestiam  
eius.*

*Praxim  
pietatis  
erga il-  
lam doce-  
re.*

1406 Eodem hoc anno Romæ Italicè in lucem  
exiēre P. Ioannis Rho centum affectus erga B.V. Gal-  
licè verò impressit P. Georgius Faülrel Historiam,  
B.V. de miraculis in Vrbe Rhedonensi in templo  
S. Salvatoris; Constantiæ autem P. Jacobus Reiss  
centum elogia S. Iosepho Deiparæ Sponso data; vbi pag. 283.  
cum etiam Societas Patroni elogio laudat.

1407 Monasterij in Vuestphalia, cùm hoc an-  
no nouis Domus cuiusdam incola coram quodam  
de Societate quereretur domum illam spectris esse  
obnoxiam, suā illius, ibi Deiparæ imaginem col-  
locauit, & sensit omnia tranquillata.

*Imagines  
B.V. domi  
contra  
spectra  
affigere.*

1408 Ibidem facer noster Orator cùm explican-  
dis DEI Matris doloribus conciones aliquot impen-  
disset, ac Belgij, Bauariæ, aliarumque Provinciarum,  
& Vrbium pietatem in erigendis per campos  
Deiparæ dolentis imaginibus disertè commendaf-  
set, propensos etiam alias erga Deiparæ cultum,  
animos feliciter inflammat, vt eas quas vocant  
stationes collato ære honori DEI Matris erexerint,  
vbi mysteria dolentis Virginis picta visuntur in-  
eectis ad id pijs ædiculis in eo interuallo quod in-

*Stationes  
illi erige-  
re.*

ter Vrbem, Telgetum vsque interiacet : ita ut euntibus dolores Virginis , redeuntibus verò eiusdem gaudia in ædiculis illis picta occurrant .

*Vide hic  
nū. 1378.*

*Imaginem  
B. V. se-  
cun-ge-  
flare .*

1409 Hoc etiam anno Monachij maior B. V. Sodalitas Ignatianam Deiparæ à Corde dictæ imaginem Romæ æri incisam & istuc missam æri de nuo incidit , Sodalibusque distribuit . Quidam hanc penes se gestabat , & cum vnâ cum equo in aquas fuisset delapsus , eius quam secum habebat imaginis recordatione sensit se ad fiduciam vehe menter accendi . sic è periculo eius ope emersit , & suam incolumitatem S. MARIAE à corde adscripsit . Augustâ quoque literæ ita habent : Sensit & è nostris Patribus unus piam ac thaumaturgicam Matris potentissimæ Matrum opem ; qui eius auxilio implorato , adhibitatque imagine MARIANâ ( quam à corde vocant ) graui morbo solutus est .

1410 Exeunte hoc anno , in Nouembri celebra ta est Romæ in Domo Prof. Congregatio Patrum quam Procuratorum à Prouincijs mislorum vocant . Ab his quædam accepi , quæ lubet h̄c breuiter adnotare circa cultum Deiparæ à Societate in varijs Prouincijs variè cultæ .

*De illa  
egloquii.*

1411 Burdigalæ Nouitij ab annis aliquot hoc in morem induxere , vt quothebdomadis cùm ad recreationem conueniunt , colloquendi exordium ducant ab aliquo exemplo vel miraculo Christi aut Beatiss. eius Matris . Ita mihi retulit Procurator Aquitan. P. Guilielmus Ricard Rector , & Mag. Nouit. Burdigalæ . Quid hac in re fiat in Austria ca Prouincia , dixi suo loco .

1412 In Aragoniæ , ac Boeticæ Prouincia (vt retulit P. Petrus de Oiea Proc. ) diebus Sabbati datur signum ære campano post prandium ad verendum

dum templum. Tum P. Prouincialis, Rector, & Patres, ac alij, ad verendum descendunt. Humilit.

1413 In eadem Aragonia is qui manè socios à somno excitat, more iam recepto hæc vti:ur formulâ salutandi dum cubicula singulorum ingrediatur, vt lumen accendat: *Gloria Patri &c. Laudetur S.S. Sacramentum, & purissima Conceptio Beatissima V. MARIAE.* Manè.

1414 In vigilijs majorum festorum B. V. ibid: sparsi per plateas socij populum docent actum contritionis; breuem allocutionem habent; & omnes ad B. V. festum ac diuina mysteria obeunda invitant. Festa B. V.

1415 Prouincia Rheni Superioris (teste P. Ricquino Geltgens) habet ab annis plus quam 30. statâ consuetudinem post meridiem Lit. B.V. Lau retanas recitandi ( id quod Tolosæ quoque audio à Nouitijs factitari ) cum oratione: *Defende que sumus &c. Spiræ Professores ac Magistri quotidie ducunt totam Scholasticam iuuentutem ad templum: vbi Salve Regina, & Ave Maria gratia plena cantatur, coram illa B.V. statua quæ fertur S. Bernardo dixisse: Salve, Bernarde. Hic mihi in mentem venit illa imago ( alia ne ab hac, non dispergo) quæ S. Bernardo dicenti Ave MARIA, respondit: Salve, Bernarde. Eius lapideæ imaginis partem Bruxellis esse in Collegio Soc. Iesv affirmat Menologium Cisterciense 18. Octobris. Post meridiem.*

1416 P. Stephanus Turturetus missus è Sicilia Procurator ait, nostris adnitentibus Messanæ 3. Iunij adiunctam celebritati festi B.V. de littera communionem generalem, tantâ populi è Sicilia & Calabria eò confluentis celebritate, vt censeantur sœpè plus quam octoginta millia capitum diuinæ mensæ accumbentium. Ita festum illud redditur Festa B.V.

tur longè celeberrimum, ac longè utilissimum. Per mensem integrum longè ac latè sparsis per Vrbem socijs missio Vrbica celebratur; ut populus ad festum illud, & S. Synaxim præparetur. Certis annis etiam dicitur supplicatio parvularum & parvularum eo festo ad Sanctissimum Eucharistia Sacramentum primò percipiendum accedentium longâ pompâ cum corollis ornataque insigni; accuratâ prius institutione præmissâ, quâ docentur quomodo debeant tuac primò ac deinceps per omnem vitam, cælestè hoc mysterium frequentre.

*Post scho-  
last.*

1417 P. Remundus Baile missus à Provincia Tолосана, testis est; istic moris esse ut sub finem Scholarum vespertinarum eatur ad templum ab omnibus Scholasticis, & Magistris, signo ad id datum campanâ classicâ; sicut manè signum datur ad sacrum: ibique cantari tono (ut vocant) figurato, præminentibus duobus, alijs verò accidentibus, Antiphonam de B. Virgine, cum aliquot orationibus, seu collectis. Alia de alijs Provincijs dedi suis locis passim; & dabo ubi plura accepero.

1418 Eriburgi Brisgoia: Henrici Mayr S.I. libellus prodijt, cui titulus: *Felix pia mortis hora quam Christi sanguine redemptis omnibus, præsertim verò magnam Dei Matrem eximiè colentibus, p[ro]t[er]v[er]at Henricus Mayr S.I.*

1419 Viennæ mire increuit pietas erga Deiparæ statuam in gradibus Collegij expositam, de qua dixi anno 1656. Nuncius Apostolicus, adeoque Serenissimus quoque Archidux Carolus Iosephus cum duabus sororibus, ac alijs, illam prolixè ac piè de geniculis salutarunt. Item in thermis Badenensibus posita Deiparæ statua, & mos inductus

Litaniarum, ac Rosarij recitandi, Viennensibus so-  
cijs admittentibus, ut nuper dixi.

1420 Bononiæ recuditur meus *Annus cœlestis*  
olim Viennæ impressus: in quo ad singula Deipara  
festa, etiam ea quæ in Breuiario non sunt, me-  
ditatio, seu oratio expendenda, proponitur.  
Ponuntur ibidem *Anni cœlestis dies MARIANI*  
cum Aspirationibus ad B. V. è proprijs cuiusvis  
diei gestis à Deipara memorabilibus in anni dies  
singulos distributis. Item Pragæ impressum *Diur-*  
*num quotidiana virtutis è varijs IESV & MARIAE So-*  
*dalium, clientum, sociorum exemplis, & ephemeridi-*  
*bus concinnatum, atque quotidiana Sodalium quæ lectioni,*  
*quæ commentationi dedicatum, uno alteroue ad medi-*  
*tandum de Deipara punto in dies singulos assi-*  
*gnato, & ex ipsis præsentis diei gestis deprompto.*

1421 P. Alphonsus Mendez *Ethiopiz Patriar-*  
cha, in ea quam hisce annis Romam misit narra-  
tione, cùm de visitatis Christianis agit, affirmat  
ab aliquo è Societate habitam ad eos qui sacro  
crismate confirmandi erant adhortationem de si-  
de, spe, charitate &c. Tum addit; *Aliquam etiam*  
de *Beatissimæ Virginis laudibus vel miraculis narratio-*  
*nem subiiciebat: tam quod gens hæc uniuersim in illius*  
*cultum quædam maxime sit propensa, quam quod peruvica-*  
*ces quidam, ad conflandum nobis odium, imperita mul-*  
*titudini persuaserint, illius nos hostes esse capitales;*  
*cum tamen ipsius cultum ac bonorem & in cordis fibris,*  
*& in oculorum pupillis altè impressum habeamus. Hanc*  
*doctrinam opus erat iterum, ac tertio repetere &c. Ita* m.f. lib. 2a.  
c. 7.  
*Patriarcha. Probatam ait ibidem mirificè do-*  
*ctrinam Societatis à Præfecto quodam, quippe*  
*qui se Deiparæ verè amantes ostendant, contra*  
*quam dixerant impostores.*

1422 Lugduni exiēre in lucem post huma quæ-  
dam

dam P. Ioannis Eusebij Nierembergij in tomo cui  
titulus : *Opera Parthenica* .

1423 Templis quoque nostris Deiparæ cultum,  
quæ licet , inferre , argumentum est egregiæ in DEI  
Matrem pietatis . Accepi literas à P. Martino Pal-  
kouichs Collegij Tyrnauiensis bis Rectore ; quibus  
perscribitur ; Eszterhasianum istic Societatis tem-  
plum per facella distributè habere titulos Beatissi-  
mæ Virginis ; vt in facello quouis , præter San-  
ctum cuius nomine dedicatum est , etiam Deipa-  
ræ memoria oculis & animis obuersetur . Templum  
fuit dicatū iam olim S. Ioannis Baptistæ memorię .  
In ara maxima supra principem Christi à Ioanne  
baptizati imaginem est imago Beatiss. Virginis  
Elizabetham S. Ioannis Matrem visitantis , ubi  
Ioannes ad MARIAE vocem in Matri vtero exulta-  
nit . Sacello S. Patriarchæ nostri Ignatij imminent  
duo Angeli cum scuto , cuius epigraphe aurea  
est : *Reginæ Patriarcharum* . Sacelli S. Xauerij Indo-  
rum Apostoli , inscriptio est :

*Reginæ apostolorum* .

S. Stephani Protomartyris , ac Martyrum ,

*Reginæ Martyrum* .

Sacelli S. Iosephi , *Reginæ Virginum* .

Sacelli S. Angeli Custodis : *Reginæ Angelorum* .

Sacelli MARIA Reginæ dolorum mortuum  
Christum sinu complexæ : *Deiparæ Dolorosæ* . Atque  
hæc in honorem & amorem Reginæ Sanctorum  
26. 27. omnium ; cui S. Joseph Græcus : *Gaudie , gaudium*  
Iulij . *Angelorum* , titulus honorificus Apostolorum : efficas  
*nos tempora Filii tui* .

1424 Poëtico etiam ingenio Marianis versibus  
arte variâ illigato colere Deiparam est inter artes  
obsequiorum Virgini DEI Matri à Societate im-

penorum. Quid in hoc genere fiat ab ijs quis scholas, humanitatem potissimum ac Rhetoricam, trahant, infinitum esse referre. Dabo hic versus quosdam quos ab autore accepi e Romano Collegio. Res non tam longa quam rara, e q; grata est in argumento amoris Mariani, & epistolę Marianę. P. Hieronymus ergo Retruccius, Camers, harum artium probè gnarus Magister, scripsit de epistola asserta Deipar Virginis ad Messanenses iambicos puros quingentos circiter, & quinquaginta. Ibi Marianus

*Musicam docens amor*

*Rotator ille siderum, modos modis,*

*Globes globis repercutit rotas rotis.*

Vltimus hic senarius quinque vocibus eā lege compositus est, vt vocibus variè collocatis centies viciesque perlegatus centum ac viginti purorum versuum iambicorum parat turbam. Poëmati Mariano præit hoc epigramma:

*Ad Iambum Marianum Tabellarium.*

*Volas, Iambe quadrupes;*

*Volas, volucris octipes;*

*Volas, iambe centipes;*

*Volas, iambe millipes.*

*Nisi est molestum, & impudens,*

*Iambe, quo celer volas;*

*MARIA ab ore Virginis.*

*Tabellio celerrimus*

*Epistolam daturus hanc*

*Peloridis celerrimam,*

*Gradum cito: vero viam: fero Deum: Deo feror.*

Vltimus hic octonarius, vocibus a pedibus variè gradientibus, etiam retrogradis, parit iambicorum purorum quadraginta millia trecentos ac viginti. Eadem lege, metro, arte fluente hi: versus Messan

*sup*

L L L

nen-

nensium votum complexi. in quo, Autoris eiusdem, ceu cancellarij Mariani calamo, Messana (Mesa; & Mese dicta veteribus). Deiparæ epistolam illam assertans scribentis respondet duodecim versibus referentibus coronam stellarum duodecim; quæ stellæ varie collocatae totum cælum implere possunt. Dabo & i versus, & commentarium ijsdem omnino verbis quibus ab autore prescripti sunt. Sic habent:

Tibi, Dei Parens, facum trias quater ligat comas.  
Tegit latus Mihre peplum: triceps subit pedem  
iubar.

Tuum caput Poli decus pauet Pôlus: tremit chaos.  
Tuas comas, suas plagas; tuas niues, suas faces;  
Tuum sinum, suum torum, suum thronum Deus  
vocat.

Tua manu, an Dei manu? Mese tuæ cdnis notas?  
Tuam manum, notas tuas, rosas suas Mese legit.  
Notas tuas libris suis, fibris suis Mese notat.  
Tuas notas Mese tulit? Notis tuis, rosas suis  
Quotas notas, quotas rosas, quotam charin Mese  
refert!

Minor genu, madens genis, salum solum, fretum,  
Pharum,

Tibi vieos, ibi Domos; Tibi Mese Mese dicit.  
Mese, & Mesa Messana Straboni, alijsque Scriptoribus. Eadem in harmonia cælesti summum cælum Marco Tullio; Boëtio Sol in mundi corde; & cor mundi: eadem Musicorum in tetrachordis octaua nota. In hac corona stellarum duodecim octonarij totidem mutato pedum, vocumque situ modulantur iambicos puros: quadraginta millia ac trecentos supra viginti. Si vero constaueris ex ijsdem sesqui octonarium iambicum, ordinemque ac sum variaueris; habebis omnino numerū 479001600 qua-

quatermillies nimirūm & septingenties nouiesque centena millia, in(uperque dena, sena(que alia purissimorum millia iambicorum: millions vulgo quadrigentos ac septuagenos, in(uperque sedecim millia. Si autem, non singuli, sed duodecim simul versus vniuersi variā concatenatione, situque misceantur, illorum voces numero 96. dabunt innumerabilem iambicorum multitudinem quā nullus Archimedes, nullus Archita numerare possit. Sane tres in Collegio Romano Mathematicarum olim professores disciplinarum, exputatā, & disputatā rei veritate diutiūs, vnamini sententiā responderunt: Earum nonaginta sex vocum innumera(biles inter se nexus, atque congeminationes quatuor mundi non caperent. In ea varietate non inficiamur aliquando sensum non belle congruere: sed aptam sēpē nasci sententiam inficiabitur nemo. Ita Petruccius ingenio Mariano ad verbum

*Pium pījs reciprocans metrum metris.*

Ignoscat Lector quōd ista posuerim forte prolixius. Meminerit Deiparam nec has laudes dignari, quam Beatam dicunt, ut omnes generationes, ita omnes artes bonae atque ingenia. Nempe Regina hæc circumdata varietate, diadematè aureo, fascijs aureis vestita est.

1425 Vidi nuper in tabulis, & libro Primæ Primiæ Sodalitatis B. V. Annuntiatæ longam, annorum serie(m distinctè adnumerantem qui Deiparae cœtus, & quibus annis Romanæ primariæ Sodalitati sint illigati; iuxta illud quod cuius Rectori etiam atque etiam cordi esse vult Societas ad propagandum etiam hac arte Deiparae cultum intenta, illi sic præscribeb[us]: Det operam, ut Diuæ MARIAE Annuntiatæ Congregatio ex Romano Collegio

ps. 44.  
Vid. Hie-  
ron ibi.

Sodalita-  
tes.

In rat.  
Aud. reg.

23.

LLL 2 in

300

Sodalita-  
tes illius  
propaga-  
re.

Rat. stud.  
reg. 5.

in suum propagetur: cui qui nomine non dederit, non  
eſſet in Academiam in qua recoli ſolent literariae exer-  
citiones admittiendus &c. Quam autem accurate fo-  
ueri velit hanc Sodalitatum curam & pietatem, ar-  
gumento eſt illud quod preſecto Academiae coinen-  
dat impensè hiſ verbis: Horas Academie, repetitio-  
num ſcilit̄, diſputationum, & ſimilium ita diſpenſet,  
ut horas Congregationis non impediānt; quod Academicci  
commodē poſſint utriſque exercitationibus intereffe:  
quam etiam ob rem nullus erit, ſine magna cauſa Con-  
gregationis tempore priuatis colloquij detinendus. Ita  
ibi regulæ Rectoris, ac Præfecti. Nunc quia illigata-  
rum Romanæ Primariæ aliarum orbis Congrega-  
tionum annos ac dies exequi longum & operosum  
eſſet, lubet earum titulos tantum ita ut eos in libro  
reperio adnotare. Singuli tituli Congregationes  
plures habent, aliqui centenas & centenas.

- 1 Congregatio Annunciationis B. V.
- 2 Natinitatis
- 3 Assumptionis.
- 4 Immaculatae Concept.
- 5 Visitacionis.
- 6 Expectationis partus.
- 7 Præsentacionis.
- 8 Matris D̄i.
- 9 Purificationis.
- 10 Rosarij.
- 11 B. V. ad Niues.
- 12 B. V. Angelorum.
- 13 I E S U & M A R I A E.
- 14 B. V. Lauretanæ.
- 15 B. V. Remediorum.
- 16 Reginæ Angelorum.
- 17 B. V. ad Reges.

Cong.

- 18 Cong. B. V. Sacerdotum. 1. 1.  
 19 B. V. de Pace. 1. 1.  
 20 B. V. Parituræ. 1. 2.  
 21 Dominæ Regum. 2. 2.  
 22 B. V. à Populo. 2. 2. Beatoe Mariae  
 23 B. V. Pietatis. 2. 2. Beatoe Mariae  
 24 Assumptæ Reginæ Angelorum. 2. 2.  
 25 B. V. Gaudiorum. 2. 2.  
 26 Mariana S. Quintini. 2. 2.  
 27 B. V. inuenientis Filium in templo. 2. 2.  
 28 SS. Sacramenti, & B. V. 2. 2.  
 29 B. Virginis Vitæ. 2. 2.  
 30 B. Virginis Salutis. 2. 2.  
 31 S. Mariæ de Pœnitentia. 2. 2.  
 32 B. M. Protectionis. 2. 2.  
 33 B. V. à Victoria. 2. 2.  
 34 Reginæ omnium Sanctorum. 2. 2.  
 35 B. V. Dolorosæ. 2. 2.  
 36 Reginæ Martyrum. 2. 2.  
 37 B. V. Pietatis. 2. 2.  
 38 Desponsatæ Virginis. 2. 2.  
 39 B. V. à Quietæ. 2. 2.  
 40 B. V. Cælorum Reginæ, & S. Barbaræ. 2. 2.  
 41 B. V. & S. Ioannis Euang. 2. 2.  
 42 B. V. Patronæ Hungariæ. 2. 2.  
 43 SS. B. V. parentum Ioachimi, & Annæ. 2. 2.  
 44 B. V. de Guia, seu Ducentis. 2. 2.  
 45 B. V. & S. Rochi. 2. 2.  
 46 B. V. Deum parentis. 2. 2.  
 47 S. Iosephi Spensi B. V. 2. 2.  
 48 Iesu, Mariæ, Iosephi. 2. 2.  
 49 Transitus B. V. 2. 2.  
 50 Annuntiatæ Patronæ Hungariæ. 2. 2.  
 51 Reginæ Angelorum Custodum. 2. 2.

B.V.

- 52 B.V. Deiparæ sub Cruce .  
 53 B. V. Matris Admirabilis.  
 54 S. Mariæ , & SS. MM. Seuerini, ac Socij.  
 55 S. Mariæ , & SS. Crispi , & Cypriani .  
 56 Beatorum nominum Mariæ , Joseph , &  
 Joannis Euangelistæ .  
 57 Romæ mortis, sub inuoc. vulnerum , &  
 B. V. dolorosæ .  
 58 B.V. M. Sponsæ Spiritus sancti .  
 59 Crucifixi , & cruciatæ B. V.  
 60 Pueri Iesu , & Virginis Lauretanæ .  
 61 B. V. de Candelaria .  
 62 Sinè macula Conceptæ Patronæ Hun-  
 gariæ .  
 63 B.V.iuxta Crucem lacrymosæ .  
 64 S. Conuersationis Iesu, Mariæ, Ios.  
 65 B.M. V. Agonizantium .  
 66 Passionis D.N.Iesu Christi, eiusque Dei-  
 paræ Martyrum Reginæ .  
 67 B.M. Virginis in Ægyptum fugientis .

Accepi ego quidem à P. Francisco Pizzonio, Au-  
 striæ , & à P. Andrea Schambogen Boëmiae Procu-  
 ratoribus Romam ad Cong. missis grandem Cata-  
 logum , numerumque Sodalium; sed nec ibi sin-  
 gula Sodalitia suum numerum posuere; & ego alia-  
 rum quoque Provinciarum catalogos expecto .  
 Certè vnica Provincia numerat Sodalium 26. mil-  
 lia, & plus quam quingentos . Dabo hæc accura-  
 tè vbi ea magis particulatim accepero . In Pro-  
 uincia Flandrobelgica anno 1630, fuere Sodali-  
 tates 98.

1426 P. Ioannes Baptista Cancellarius Alex. VII.  
 Pont. confessarius habet approbatos, qui iam præ-  
 lum exspectant, Annales Ecclesiasticos MARIANOS;

vbi

V.8

vbi multa in annos eruditè digesta amplius suggerent argumentum de B. Virgine disertè ac piè diffundendī.

1427 *Diurnum Diuini Amoris*, dum hæc imprimuntur, Romæ typis vulgatum, habet Caput integrum de Amore divino MARIANI Amoris Magistro, vbi (& passim aliâs) docet modos colendi Deiparam, decerpitos ex ipsis Christi ac Deiparæ monitis, atque adductis Sanctorum, & Sanctarum documentis, orationibus, & exemplis: vocatque Horam Beatissima Dei Matris.

1428 P. Carolus Franciscus de Luca Heroico Poëmate, quod nunc imprimitur, laudat, & prosequitur Iter Lauretanæ Domus libris virginis: in quibus sunt carminum fere viginti millia.

Atque hæc hactenus de Annalibus MARIANIS. *Pro. 9.9.*  
Dedi sapientibus occasionem; ut plura inueniat. Ea propter, ista lecturos R.R. Patres iuvito; ut mihi vel coram, vel per litteras, ea suggerant de artibus colendi Deiparam, exemplisque domesticis, è quibus hæc locupletare possim vel ego, vel successor meus cui concinnandorum Societatis Annalium cura incumbet, etiam postquam hinc ad immortales abieror. id quod ut feliciter mihi eveniat, omnes tam in cælo quam in terris Deiparæ addicti amantes, ac per illos ipsam Dei Matrem, supplex oro, ut id à supremo æternæ vite Domino mihi obtineant. Ita spero.

Ad Mai. Dei, Deiparæ Virginis, S. P. Ignati, Xauerij, & omnium Sanctorum gloriam,  
ac ultimi agonis nostri solatium sanctum.